

**Қазақстан Республикасы Парламенті Мәжілісінің
25.05.2022 жылғы жалпы отырысының
стенограммасынан үзінді көшірме
Отырысты Қазақстан Республикасы Парламенті
Мәжілісінің Төрағасы Е. ҚОШАНОВ жүргізді.**

**Выписка из стенограммы пленарного заседания
Мажилиса Парламента Республики Казахстан
от 25.05.2022 года
Вел заседание Председатель
Мажилиса Парламента Республики Казахстан
Е. КОШАНОВ.**

ТӨРАҒА. Құрметті әріптестер, келесі мәселе – «Қазақстан Республикасының кейбір заңнамалық актілеріне энергия үнемдеу және энергия тиімділігін арттыру мәселелері бойынша өзгерістер мен толықтырулар енгізу туралы» Қазақстан Республикасы Заңының жобасы жөнінде (екінші оқылым). Бұл мәселе бойынша сөз Экология мәселелері және табиғат пайдалану комитетінің мүшесі депутат Тұрғанов Дүйсенбай Нұрбайұлына беріледі.

ТҰРҒАНОВ Д.Н. Құрметті Ерлан Жақанұлы! Құрметті әріптестер! Заң жобасының мақсаты энергия үнемдеу және энергия тиімділігін арттыру саласында 2025 жылға қарай жалпы ішкі өнімнің энергия сыйымдылығын 25 пайызға төмендету бойынша жүргізіліп жатқан саясаттың түпкілікті нәтижесіне қол жеткізу болып табылады.

Қаралып отырған заң жобасын Парламент Мәжілісі 2021 жылғы 13 қазанда бірінші оқылымда мақұлдады.

Екінші оқылымға заң жобасымен жұмыс барысында депутаттар:

Мемлекеттік энергетикалық тізілім субъектілерінің су тұтыну мониторингі бойынша нормаларды сақтауға;

Мемлекеттік энергетикалық тізілім субъектілерінің тізбесін кеңейтуге; міндетті энергия аудитінің орнына экспресс-энергия аудитін жүргізу шарттарын жеңілдетуге;

бақылау субъектілеріне бармай профилактикалық бақылау жүргізу тәртібін нақтылауға;

энергия үнемдеу және энергия тиімділігін арттыру саласындағы хабарлама беру тәртібін нақтылауға;

энергия аудиторының құқықтары мен міндеттерін белгілеуді көздейтін жеке бап енгізуге бағытталған түзетулер енгізді.

Депутаттар «Электр энергетикасы туралы» және «Табиғи монополиялар туралы» Қазақстан Республикасының заңдарына отынның баламалы түрі ретінде газды пайдалану арқылы генерациялайтын қондырғыларды сала отырып, жаңғыртуға, реконструкциялауға және (немесе) кеңейтуге

инвестициялық келісімдер жасасуды көздейтін түзетулерді жеке блокпен енгізді.

Жоғарыда аталған түзетулерді қабылдау көмір энергия көздерінің қызметінен қоршаған ортаға жағымсыз экологиялық әсерді төмендетуге мүмкіндік береді.

Көмірсутектердің дәстүрлі емес түрлерін барлауды ынталандыру мақсатында депутаттар «Жер қойнауы және жер қойнауын пайдалану туралы» Қазақстан Республикасының кодексіне жер қойнауын зерделеу жөніндегі уәкілетті органға кен орындарының қорлары мен болжамды ресурстарды сыныптау әдістемесін, пайдалы қазбалардың, оның ішінде дәстүрлі емес көмірсутектерге жатқызылатын қорларды есептеу жөніндегі нұсқаулықты әзірлеу мен бекіту жөнінде құзыреттер беретін түзетулер енгізді.

Сондай-ақ «Алматы қаласының ерекше мәртебесі туралы» Қазақстан Республикасының Заңына Алматы қаласының мәслихаты мен әкімдігінің өкілеттіктерін Алматы қаласындағы сыртқы жарықтандыру жүйелерін пайдалану қағидаларын бекіту, азаматтар көп жиналатын жерлерде бейнекамералар орнату және бейнебақылау мониторингін жүргізу, қаланың фонтан шаруашылығын ұстау және оған техникалық қызмет көрсету жөніндегі қағидаларды бекіту бойынша толықтыруға, көппәтерлі тұрғын үйлерді күрделі жөндеу бойынша арнайы жалпықалалық шот кұруға бағытталған түзетулер енгізді.

Заң жобасын қарау шеңберінде презентация, жұмыс тобының он үш отырысы және бас комитеттің кеңейтілген екі отырысы өткізілді. Жұмыс тобына 120-дан астам түзету келіп түсті, олар мүдделі министрліктердің, ведомстволардың, сарапшылардың және энергия-аудиторлық ұйымдардың пікірлері ескеріле отырып пысықталды. Қорытынды салыстырма кестеде қабылданбаған түзетулер жоқ.

Мәжілістің барлық комитеттері осы заң жобасы бойынша он қорытындыларын берді.

Осы заң жобасын мақұлдауды және Сенаттың қарауына жіберуді ұсынамын.

Қолдауларыңызды сұраймын.

ТӨРАҒА. Рақмет, Дүйсенбай Нұрбайұлы.

Әріптестер, бас комитеттен осы заң жобасын мақұлдап, Сенаттың қарауына жіберу туралы ұсыныс түсті. Басқа ұсыныстарыңыз жоқ болса, осы ұсынысты дауысқа қоямын. Дауыс берулеріңізді сұраймын.

Нәтижесін экранға беріңіздер. «Қатысып отырғандар» – 99, «жақтағандар» – 99. Шешім қабылданды.

Енді қаулының жобасы бойынша дауыс берулеріңізді сұраймын.

Нәтижесін экранға беріңіздер. «Қатысып отырғандар» – 98, «жақтағандар» – 98. Қаулы қабылданды.



Дүрсіз: Бұған қосымшамен қамтамасыз ету
бөлімінің сектор меңгерушісі 2
Майы Н. Шайыпбаев.